

horrelakoak
dira
inchausti
mobiliario-ren
egongelak



estilo
guztietakoak,
prezio
guztietakoak

markarik
onenak:
arruti, pianca,
forestier, valenti,
punt moble, kron,...



bitrina
kurboekin,
modularrekin,
sabaian egokitu
daitezkeenekin...




konponbide
zehatzak
arazo
zehatzetarako:
bandexa ateragarriak,
gurdi mugikorak...



interesik gabeko
finantzaketa
24 hilabete

ezagutu
Gipuzkoako
altzari
aukera handiena
eta eguneratuena



INCHAUSTI

N-1 errep., Errekalde. LASARTE-ORIA
Ternuako Arrantzaleen kalea, 2. AMARA (ARCCOren ondoan)



Europako Agentziako zuzendaria, Hans-Horst Konkolewsky (eskuinean), web orriaren aurkezpenen.
XOUSE SIMAL

Lan osasunari buruz nazioarteko biltzarra izango da Bilbon

Europako Agentziak bulegoa eta web orria zabaldu ditu

Bilbon dagoen Europako Lan Segurtasun eta Osasunerako Agentziak publikoarentzat zabalik egongo den informazio bulegoa eta web orria aurkeztu ditu. Agentziak lan osasunari buruzko nazioarteko biltzarra iragarri du urrirako Bilbon.

Joseba Aiarza / Bilbo

AGENTZIAREN informazio bulegoen eta web orriaren aurkezpen ekitaldian iragarri du Hans-Horst Konkolewsky zuzendariak nazioarteko biltzarra izango dela Bilbon urriaren 19tik 21a bitartean.

Ekitaldiaren izenburua *Aldatzen ari den Lan Mundua* da eta Guggenheim museoa izango da. Parte hartuko duten pertsonen eta adituen artean Europako Batasuneko ministroak aipatu ditu Hans-Horst Konkolewskyk.

Egun horietan Lan Osasuneko III. Astea ospatuko da Europa osoan, eta, horregatik, lurralde bakoitzean hainbat ekitaldi antolatuko da. Espainiako Estatuari dagozkion ekintzak ere Bilbon izango dira, Erakustazokan hain zuzen ere, Espainiako Laneko Segurtasun Erakundeak zuzendari Florentino Alonsok baieztatu duenez.

Hans-Horst Konkolewsky eta Florentino Alonsorekin batera, Josu Ortuondo Bilboko alkatea eta Gregorio Antxutegi Osalaneko zuzendaria izan ziren atzo Europako Agentziaren bulegoen eta web orriaren aurkezpen ofizialaren ekitaldian.

Publikoarentzat zabalik • Agentziaren zeregin nagusietako bat laneko osasun eta segurtasun alorrean dagoen legedia, esperimentuak, estatistikak eta gaitortzeko informazioak eskaintzea da. Langileek, sindikatuek, enpresariak, ikertzaileak eta interesaturik dauden herritar

guztiak dagoeneko Agentziara jo dezakete argibide bila, bulegoetara joanda edo Interneten bidez.

Bulegoak arratsaldeko 14:00etatik 18:00etara egongo dira zabalik, Agentziaren egoitzan bertan (Bilboko Gran Vía 33), eta Agentziako langileak arduratuko dira interesatuei nahi dituzten argibideak emateaz, dohainik.

Langileek, sindikatuek, enpresariak, ikerleak eta interesaturik dauden herritar guztiak dagoeneko Agentziara jo dezakete argibide bila, bulegoetara joanda edo Interneten bidez

Interneteko orriari dagokionez (<http://www.eu-osh.es>), zortzi bloke dauzka: legedia eta arauak, estatistikak, informazioa eta formazioa, berriak eta ekintza publikoak, estrategiak eta programak, eztabaida-guneak, gida praktikoa eta, azkenik, ikerkuntza.

Horrez gain, Agentziaren orriak Europako Batasuneko estatu gehienek dauzkaten web orriak ere bilduko ditu, erabilitzaileek estatu bateko informazioa soilik nahi izanez gero, baita lan osasun eta segurtasunarekin zerikusia daukaten erakunde guztiak ere.

Espainiako Estatuak ere badu bere web orria, dagoeneko Agentziaren orriari lotuta, Europako beste estatuak bezala. Orri horretan autonomi erkidegoek eta gizarte eragileek parte hartzen dutela azpimarratu du Alonsok.

Internet komunikabide nagusi • Agentziako zuzendariak, baita Madrilgo eta EAEko lan erakundeetako ere, onartu dute Internet oraindik ez dela gizarte osoari zuzentzeko tresna egokia, haren erabilpena oso talde jakinaren eskuetan dagoelako eta enpresari eta langile gehientsuenek ezagutzen ez dutelako.

Hala ere, sare informatiko horrek duen hazkundea ikusita, Internet Europako Laneko Segurtasun eta Osasun Agentziaren komunikabide nagusia izango da.

Osalaneko eta Estatuak Laneako Segurtasun eta Higiene Erakundeak arduradunek garrantzi handikotzat jo dute Agentzia horrek lan istripuak murrizteko eduki lezakeen lana. Gregorio Antxutegiren hitzetan, «argi dago kontu honi ez diogula behar besteko arreta eskaini, eta horregatik galdutako denbora berreskuratu eta ekintzara pasatu behar dugu».

Laneko osasuna eta segurtasuna handitzeko ardura, Agentziaz gainera, erakunde publikoek eta enpresek daukatela gogoratu dute Alonsok eta Antxutegik. Ildo horretatik, Osalaneko zuzendariak gogoratu du nola Euskal Autonomia Erkidegoan akordio garrantzitsua sinatu zuten sindikatuek, patronalak eta Osalanek berak, enpresetako prebentzio ordezkariak formatu eta segurtasun egitasmoak egiteko.